

脱肛

有寒有熱久瀉脾氣下陷者。補以升之。○瀉痢後虛脱脈兼無力倦怠者八珍十全選用○赤腫作痛屬大腸風熱。生地赤芍槐花槐角升麻。腸胃燥澀。大便秘結。努瀆太過。因而脱肛。宜涼補以潤之。外用收肛散塗之良。

熊膽五分 孩兒茶三分 冰片茶一分 乳調塗肛上。

丹溪治久瀉脱肛。參苓白朮散。加升柴五味子。

○用力過多者十全大補湯加升提○大腸虛

脱肛

而挾熱硝砂湯槐花散薄荷散○大腸虛而挾
寒。蝟皮散。香荆散。○日久不上。收腸養血和氣
湯。濕脱龍骨散。濕腸散。

無火疝瀉久脾虛舉肛丸加減

舉肛丸

半夏 天南星 枯白礬各五錢 雞冠花炒

白附子各五兩 枳殼 訶子肉煨 黑附子各五兩

蝟皮二枚 瓜蒌二枚燒存性 胡桃仁十五個燒存性

共為末醋糊丸空心溫酒下三十丸

系荆散

系附 荆芥 一方加砂仁

每用三錢食前白湯下

又方

五倍子末 三錢 白礬二塊

水煎洗 ○葱湯洗軟芭蕉葉托上

又方

木賊草燒灰搽肛門輕輕按上或加龍骨

又方

脱肛

蔓陀羅花連殼一對橡斗十六個搗碎水

煎三五沸入朴硝熬洗其脱自上

內用槐花槐角子等分炒黃色以羊血蘸藥炙
熟食之以酒送下

蝟皮散

蝟皮

乙具燒
存性

磁石

煨醋淬
七次

桂心 三錢

鼈頭

乙枚炙黃

右為末每食前米飲下三錢

收腸養血和氣丸治脱肛日久腸虛大腸不時

脱

白朮 當歸

白芍 各二 川芎

槐角 炒

山藥 各八 蓮肉 二兩 人參 七錢

龍骨 煨

五倍子 赤石脂 各五錢

右末米糊丸桐子大米飲下七十丸

龍骨散 治大腸虛肛門脱出

龍骨 訶子 各五錢半 沒石子 二枚 栗殼

赤石脂 錢各五 為末每服 二錢 米湯下

澀腸散 治久痢大腸脱

脱肛

訶子 赤石脂 龍骨各等分

右為末茶調搽腸頭上絹帛揉入

參朮芎歸湯 治瀉痢後及產育氣虛脱肛脈

濡而弦者即補中益氣湯去紫胡加白芍川

芎白茯苓生薑煎服

○參朮實脾湯 治久瀉滑肛

白朮 人參各五錢 肉果麩色煨 白茯苓

白芍 陳皮各乙錢 甘草炙七分

水二鍾薑三片棗二枚煎服

經云出為虛入為實肛門之脫非虛而何

老人產育小兒久痢瀉後元氣下陷肛門脫出

悉屬虛大劑參朮芪草加製升麻柴胡

用力過多而脫者十全大補湯外以葱湯洗軟

芭蕉葉托上

如脈弦數大腸有熱而脫者必赤腫涼血祛風

為主涼血清腸散

氣血虛而挾熱者八珍湯加生地赤芍槐角槐
花黃括萎雞冠花疎風防風羌活荆芥外用五

脫肛

倍子朴硝煎湯飲之木賊燒存性入麝少許搽
之腫痛用蝸牛加冰片點之熊膽冰片亦妙
頭燒灰塗

穀道癢痛

痒痛多因濕熱生蟲。欲成痔瘻。宜以雄黃和艾
燒烟熏之。並納蜣螂丸。此丸專治肛門痒痛。或
出膿血。有虫。傍有孔竅。用蜣螂七箇。五月五日
收。去翅足。炙為末。新牛屎半兩。肥羊肉二兩。炒
令香。右共膏丸。如蓮子大。炙令熱。以新綿薄裹。

納下部。半日少喫飯。俟大便中有蟲。三五度瘥。

穀道蟲赤腫或痒或痛。用杏仁外臺治下部

蟲。杵桃葉一斛。蒸之。令極熱。內小口器中。坐定。

熏之。蟲立死。

肛門腫痛。用水蠶子肉四五枚。研泥。沸湯泡洗。

另用少許塗患處。

診蠱陰脫其脈虛小者生。緊急者死。

痔瘡蟲。蠱作痒。槐白皮濃煎汁浸之。冷再換。良。

久欲大便。當有蟲出。

脫肛

或用水銀麩膏各二兩研勻捏如棗形綿裹納
之明日蟲出

汗

○平人無分晝夜。不因飲食熱湯。自然汗出者。為自汗。屬陽氣虛。腠理不密。心火盛所致。謂心熱則出汗也。肥白人宜補中益氣。倍參芪朮。加白芍酸以收之。汗多則亡陽。

○陰虛陽必湊。故發熱而自汗。當歸六黃湯加地骨皮。○陽虛陰必乘。故厥而自汗。黃芪建中湯。甚者加附子。或芪附湯。瘦人脈弦數。血虛者。火宜補陰降火。○火氣炎

汗

上。胃中之濕。不能作汗。可用涼膈散。○有氣不
順。而自汗不止。須理氣。使榮衛調和。小建中湯
加木香。○睡中汗出。覺則止。如盜然。屬陰虛。六
黃湯最妙。亦有酒客多火人。睡中汗多者。亦宜
滋陰除濕解熱。

平人脈弱虛微細者。喜盜汗出也。汗多氣血傷
故脈濡弱若

不汗出是逆
也故云喜

睡醒時。別處無汗。獨心口一片。時心悸者。名心
汗。屬心虛。多思慮所致。宜養心甯神。古方用艾

暑

煎湯調茯苓乙錢服不若補心丹○一方用人
參者歸身兩獷猪心一個帶血割開入參歸縫
煮熟去藥吃○脾胃不和又挾外濕身重汗出
煩躁羌活勝濕湯主之○兩陰汗屬下焦濕熱
龍膽瀉肝湯加風藥風能勝濕也當用當歸龍
蒼丸及二妙丸殊效外用蜜陀僧研極細加蛤
粉撲炒傷暑傷風傷濕濕溫風溫吐瀉俱有汗
宜憑脈并兼症。

一切內傷虛損自汗不止。總用補中益氣湯少

加麻黃根製附子浮麥為嚮導。其效必影響。但升柴須用蜜炙以制其升散慄悍之性。又欲其引參芪至表。殊不可缺。○脾胃素弱。食不運化。滯于中宮。蒸蒸出汗。氣口多弦滑。只消導健脾。不必止汗。

兩寸浮洪而自汗者。心火炎也。本方倍參芪。加五味子黃連。各五。○兩關脈絛而自汗者。挾風邪也。本方加桂枝芍藥。若不陰虛。只用桂枝湯。寸關浮洪無力而自汗者。只宜本方倍參朮。

兩尺洪大無力而自汗者。相火挾火心之勢而
尅肺金也。當歸六黃湯。

當歸六黃湯 治盜汗陰虛藥也

黃柏 黃連 黃芩 生地黃 熟地黃

黃芪 當歸 加麻黃根或浮麥

水煎服

麻黃根 桂枝 浮小麥 俱能調和榮衛

又引諸藥至肌表所以能止汗也

牡蠣 白芍 五味子 乃酸以收之之義

玉屏風散

汗

黃芪配白朮配防風配加浮麥 茯神

牡蠣 麻黃根 按黃芪畏防風得防風

而功愈大蓋相畏而相使也製方之妙也

此

一人氣血俱虛身羸大汗以十全大補湯倍參

芪加製過附子一片一服知二服已

獨勝散方專治盜汗用五倍子末調津液調填

滿臍中以絹縛定加枯礬最效

火氣上炎蒸胃中之濕不能作汗涼膈散主之
氣虛自汗用參芪少佐桂枝陽虛附子各可凡
痰病亦有汗

滑伯仁治一婦暑月自汗口乾煩躁欲卧泥水
中脈浮而數按之豁然虛散素問曰脈至而從
按之不鼓諸陽皆然乃陰盛格陽得之食生冷
乘涼所致以真武湯冷飲之一進汗止再進躁
去三進全安

東垣曰飲酒中風多汗食即汗出如油久不治

必成消渴。白木散主之。汗

四製白木散 治盜汗

白木四黃芪配石斛配麩皮配牡蠣配

逐味同炒不必竟同用炒只用木為末每服三錢粟米湯下

丹溪曰仲景桂枝湯治外感風邪自汗藥也

黃芪建中湯治外感挾氣虛自汗藥也戴復庵

法用黃芪建中湯加浮麥及黃芪六一湯或玉

屏風散

補中益氣湯治內傷自汗藥也甚者六脈浮濡

而虛車方加製附子以治陽虛其效甚捷

汗出如膠之粘如珠之綴及淋漓如雨揩拭不
逮者死即三陽絕汗也

丹溪法用桑樹第二葉焙乾為末空心米飲調
服最止盜汗

○傷寒脈緊麻黃蔥豉發之汗出于榮○傷風脈
緩白朮桂枝和之汗出于衛○往來寒熱眩暈
柴胡連翹和之汗出于少陽○體若燔炭地骨
皮秦艽解之汗出于三焦○厥而挹鬱柴胡麻

汗

黃發之。汗出於血。○熱鬱於胃。大黃芒硝下之。
汗出於足陽明。○陰毒大汗。附子乾薑溫之。汗
出於三陽。

○平人脈虛濡而弱或微細必喜汗盜然虛勞之
病或得於大病後陰氣未復遺熱上留或得之
勞役七情色慾之火衰耗陰病精或得之飲食
藥味積成內熱皆有以傷損陰血衰憊形氣陰
既虛不能配陽于是陽亢內蒸外為盜汗灼而
不已陽能久存乎。

宜潤劑者六黃湯宜燥劑者正氣湯無內熱者
防風散白朮散○肝火當歸龍薈丸○虛者連
翹黃芪湯實者三黃連翹湯○身熱加地骨皮
柴胡黃芩秦艽○肝虛加酸棗仁○肝實加龍
膽草○右尺實大黃蘗知母○煩心黃連生地
當歸辰砂麥冬○脾虛人參白朮白芍山藥扁
豆浮麥或山藥一味為末臨睡酒下三錢
○此服藥汗仍出者有熱牡蠣散無熱小建中湯
加熟附子乙錢不去皮或正元散仍以溫粉

撲之大汗不止於諸藥中加煨牡蠣或錢半并
茸殊丹常自汗出經年累月久病及大病新愈
汗出者亦可用此若不宣熱補須交際其陰陽
自愈常以靈砂丹主之凡此皆無他病而汗出
者設非謂有兼病者也若服止汗固表藥不應
愈歛愈出止當理抄心理血蓋汗乃心之液心無所
養不能攝血故溢而為汗宜大補黃芪湯加酸
棗仁有微熱者兼下石斛兼下靈砂丹

無汗

陽氣虛則不能為汗丹溪云盛夏浴食無汗為

表實治一人夏月無汗久嗽用半夏紫蘇二味

為末入桑附末枕流末蜆殼灰蛤粉之屬仁陷末即神

以括萎穰桃仁泥半兩為丸先服三拗湯却服

此○半身出汗夏月止半身有汗皆氣血不足

所致天之兆也趙養葵一生以此年五月自言藏氣偏枯豈其說未盡然歟鼓峰云氣血不足必有他症可驗

頭汗雜病食滯中宮熱氣上炎則頭汗

熱聚於胃上炎則頭汗以三陽會於頭也病後

產後悉屬陽虛誤治必死

炒

○大補黃芪湯

汗

黃芪蜜炙 防風 山茱萸 當歸 白朮炒

肉桂 川芎 炙甘草 五味子炒

人參各乙 白茯苓半兩 熟地黃兩式 肉蓯蓉

酒浸 每服水二鍾薑三片棗二枚煎八

分不拘時溫服

茸硃丹 見頭痛門

涼膈散 見火門

三拗湯 見喘門

小建中湯 見腹痛門

靈砂丹 見嘔吐門

羌活勝濕湯 見濕門

龍膽瀉肝湯

二妙丸 見痛風門

當歸龍薈丸

并見脇痛門

十全大補湯

見虛損門

桂枝湯

真武湯

并見傷寒門

三黃連翹湯

防風散

防風

五錢 川芎 貳錢半

人參 乙錢 貳分半

右為末 每服 貳錢 臨卧 米飲 調下

正氣湯

黃柏 乙錢

知母 乙錢半

甘草 乙錢 五分

水煎服

白朮散

汗

白朮 不拘多少 浮麥 乙升

右用水煮乾如木尚硬又加水乙二升煮軟
取出去麥不用切作片焙乾研為細末每
食白湯下貳錢

此與疸名同類

黃汗

黃汗身熱腫。發出汗沾衣如柏汁。古云汗出入水所致。宜分表裏虛實治。身腫脈浮。作寒熱。關節疼。羌活勝濕湯仍表之。

一法蔓菁子搗末平旦井水下。一匙。如至兩匙。以知為度。每日小便中浸少帛子。看日色漸退白。則瘥。不過五升。

脈沉外不熱。小便赤黃。宜分利解熱。

果脈弱無力。汗多無火症者。依古法黃芪白芍。

桂枝作湯服。

黃疸日久變為黑疸死不治。氣實者急以土瓜根搗汁六合頓服。黃水從小腸出愈。

諸疸口淡怔忡耳鳴脚弱微熱小便白濁又當作虛症治之。四君子香八味丸。

古方養榮湯不若八物加養心藥。隨症增損妙。若誤用涼藥分利水枯面黑死。疸無熱症小便白屬虛從虛治。

茶癖用白朮炒。

蒼朮

米泔浸

軟石膏煨乙兩

白芍藥炒

片苓各乙

薄荷葉七錢

膽星

陳皮各乙

右為末砂糖水調神麩糊桐子大每服五六

十丸砂糖水下一方用石膏升麻為末砂糖

水調服一方花楸為末糊丸桐子大每服十

丸茶下

指迷七氣湯 治大人小兒諸般痞積面色痿

黃肌俸羸瘦四肢無力皆緣內有蟲積

或食生米或好食壁土或好食茶葉炭

鹹辣等物者是一服除根

蓬朮

三稜俱醋製

藿香

甘草

官桂

桔梗

青皮

益智子

香附

大黃

檳榔

右咬咀水二鍾煎七分再用水煎一次空心
溫服不得些少飲食不然則藥力不到而蟲
積不行服後食頃腹必疼當下如魚凍或長
蟲或血蟹至日午蟲盡下方用溫粥止之服
退黃丸以除其黃虛者大健脾氣

虛者服綠梅卷必死即實者亦不宜用。

退黃丸

平胃散 六兩

綠礬 三兩

右用醋糊丸桐子大每服六十九丸棗湯送下

忌生冷油膩濕麵等物

好吃泥壁黃病亦屬蟲

黃泥 一斤

砂仁 四兩炒

右為末黃連膏丸桐子大每服六十九丸空心

糖湯下

脈洪大大便利而渴者死

疸毒入腹喘滿者

危 疸病渴者難治不渴易治

黃疸死症

寸口近掌無脈口鼻冷有黑色起俱不可治

戴復庵諸失血後多面黃然面色紅潤者血榮

之也血去則面見黃色譬之竹木春夏葉綠澤

遇秋黃萎潤與燥別之也宜養榮湯枳歸湯十

全大補湯妨食者四君子加黃芪扁豆各二錢

即黃芪四君湯加陳皮名異攻散不有遍身黃

者但不及耳目

病瘡後多黃乃脾受困也。理脾為先，異攻散加黃芪扁豆各乙錢。諸病後黃者皆宜。

食勞疴黃一名黃胖

大小溫中方俱見前黃疸門

夫黃疸者暴病也。仲景以十八日愈。食勞黃者久病也。至有久不愈者用大小溫中丸以針砂伐肝。以木米助脾。一方以礬醋之酸瀉肝。棗肉之甘補脾。實人及田家作苦之人宜之。虛人膏粱柔脆者宜佐補劑。

女勞疸屬脾腎兩傷。補脾滋腎。補中益氣。或四

黃汗

君子六味丸選用

年壯氣實脈來有力者易愈年衰氣弱脈來微
濡者難瘥五十以後酒色悒鬱而得額黑者死
疸疾者宜汗者兼身痛惡寒者是濕熱鬱于表
也桂枝加黃芪湯

初起脈有力九味羌活湯妙

吐法瓜蒂散藜蘆散二陳湯探吐上焦阻塞者
宜之

內熱口乾大便不通宜下。梔子大黃湯大黃硝

石湯黃連散

小便短少脈實數宜利小便五苓散益元散

除濕熱茵陳五苓散 搐鼻瓜蒂散

有宜溫者是脾胃有寒飲不運也茵陳附子乾

薑湯

久病脈弱倦怠宜補養柴湯補中湯小建中湯

理中湯

往來寒熱一身盡痛者小柴胡加梔子

：不眠

病後及汗下後與瘡瘍不得眠屬膽虛。人參茯苓炒酸棗仁陳皮麥冬龍眼肉為主。有火脈數口乾加花粉知母玄參炒黃連竹茹心煩用炒黑梔子。

脈數實滑者力而不眠者中有宿滯痰火。所謂胃不和則卧不安也。心下硬滿屬宿滯不硬滿兼惡心口乾者屬痰火宜分別治。婦人肥盛多鬱不眠者宜吐之從鬱結痰火治。

不眠

大抵膽氣宜靜。濁氣若火若痰擾之。則不眠。

治法曰。膽虛不眠。用熟酸棗仁為末。竹葉湯調。

服。膽實多眠。用生酸棗仁為末。薑茶湯調下。

有寐中覺魄飛蕩。驚悸多魘。通夕不得安眠。是

肝虛受邪也。其人易怒。平人卧則魂歸於肝也。

肝有邪。魂不得歸。是以飛揚。方用珍珠丸。母龍

齒。

龍齒安魂。

虎睛定魄。

溫膽湯。

治病後虛煩。內有枳實半夏。乃痰火。

不眠之藥。用者宜審。

諸水腫脹滿不得卧卧則氣上喘分虛實治
虛勞咳嗽形脫不得卧治不可治

戴云不寐有二有病後虛弱及年高陽衰不寐
有痰在膽鍾神不歸舍尔令不寐虛者六君子

加炒酸棗仁炙黃芪各乙錢痰者溫膽湯減竹
茹半加南星炒酸棗仁各乙錢下青靈丹

大抵驚悸健忘怔忡失心風不寐皆是膽涎
沃心以致心氣不足若涼心太過則心火愈
微痰涎愈盛病愈劇惟當理氣為急導痰湯

不眠

加。石。菖。蒲。末。半。錢。

温膽湯

青靈丹

：煩躁

有表有裏有虛有實。

表症不得汗。內外皆熱。則躁亂不甯。取汗即定。
裏症熱鬱。大便不通。傷寒雜病。心神不安。脈數
實者。力下之定。

火客心胞。或酒客膏粱。上焦不清。亦令煩躁。黃
連梔子等涼藥妙。

病後年高及素弱人。脈虛大。或微細。心煩不眠。
為虛煩。補心丹加減。或以生脈散加柏子茯苓神。

煩躁

當歸。者。火。口。乾。加。涼。藥。一。二。味。花。粉。炒。梔。子。玄。

參。竹。茹。

熱。病。脈。揚。之。不。鼓。躁。亂。欲。坐。卧。於。泥。水。中。口。中。
和。乃。虛。陽。上。攻。也。即。陰。盛。格。陽。陰。極。發。躁。冷。服。
附。子。理。中。湯。佳。

產。後。悉。屬。虛。煩。有。惡。露。上。攻。者。肚。腹。必。痛。脹。左。
關。必。大。實。亦。有。多。食。不。能。運。化。而。煩。躁。者。補。養。
藥。稍。加。消。導。

成。無。已。曰。煩。為。擾。亂。而。煩。躁。為。憤。激。而。躁。合。而。

言之煩躁為熱。析而言之煩陽也。躁陰也。煩為熱之輕。躁為熱之重。分看妙。

針經五亂篇曰：氣亂於心則煩，蓋熱客於肺則煩。入於腎則躁。大抵心火旺則水虧金鑠，惟火獨熾，故肺腎合而為煩躁。

8 先賢治煩躁俱作。有屬熱者。有屬寒者。治獨煩不躁者。多屬熱。唯悸而煩者。為虛寒。治獨躁不煩者。多屬寒。蓋煩者心中煩。為內熱也。躁者身俸手足躁擾。或裸俸不欲近衣。或欲在井中。為

外熱也。內熱者有奔之熱。故多屬熱。外熱者多
是無根之火。故屬寒也。

虛煩類傷寒。乃虛火煩心作熱。脈必右氣口大
而無力。左脈平和。胸中不痞不飽。頭身不痛。為
異補中益氣加麥冬。后硃砂安神丸。

丹溪治一婦人素強健。六月發煩。胸脈沉細而
弱。數時妄語。用妙香丸。以針三孔。涼水下。稠痰
數升而愈。金匱曰。昔肥而今瘦者。痰也。

溫膽湯治大病後虛煩不得眠者。飲者宜之。虛

人禁用

金匱酸棗湯治虛勞虛煩不得眠

細看。

○右九法治熱煩入前五法煩熱怔忡。知熱在心
肺也。故用竹葉石膏。硃砂鎮墜其熱。使下行也。
第六法煩熱下利。知熱在上也。故用梔子豉湯
吐之。第七法煩而汗出不解。知表裏有邪也。故
用表裏飲湯。第八法脈沉口渴。知熱在裏也。妙
在丸下之。第九法溫膽酸棗。治有飲煩而不眠
也。心虛則煩。

煩躁

大法津液去多。五內枯燥而煩者。八珍湯加竹葉。酸棗仁。麥門冬。

榮血不足。陽盛陰微而煩者。人參。生地。麥冬。地骨皮。白芍。竹茹之屬。或人參。養榮湯。硃砂安神丸。

腎水竭。下心火上炎而煩者。竹葉石膏湯。下滋腎丸。

病後虛煩者。飲溫膽湯。無飲遠志湯。

產後一切瘡疽病後。虛煩。為血液耗散。心神不

守危矣。宜猛進獨參湯。煩而不利。五苓

散。心中蘊熱而煩。清心蓮子飲。煩而嘔。不

喜食。陳皮湯。胎前煩。妊娠煩悶。名曰子煩。按

產寶曰。是心肺虛熱。或痰積於胸。若三月而煩

者。但熱而已。若痰飲而煩者。吐涎惡食。二陳白

朮黃芩枳殼。內熱者。竹葉湯。竹茹湯。益母丸。

氣鬱者。紫蘇飲。或分氣飲。加川芎。脾胃虛弱

者。六君子加紫蘇山梔。

產後煩。去血過多。虛火泛上而煩。與大病後

同。大劑人參當歸散加童便妙。古方謂惡露攻心而煩者用羊血一盞頓服不若芎歸湯加童便薑汁為佳。虛甚加參。

經曰諸躁擾狂越皆屬於火。又曰陰盛者躁名曰陰躁。欲坐井中。惟宜熱藥治之。成無己曰。雖躁欲坐井中。但飲水不得入口。是也。東垣曰。陰躁之極。口中和。舌不燥。欲坐卧泥水井中。陽已先亡。醫猶不悟。謬指為熱重。以涼劑死也。無疑。急煎霹靂散。理中湯。救之。冷服即定。